

Robert Arends:

Tene cuenta cu maneho nobo di Aruparking

ORANJESTAD - Siguiendo informacion den prensa tocante maneho nobo di Aruparking, ta sugeri pa haci e reglamentonan pa publico mas pa comprendibel y pa Aruparking mas facil pa mantene y ehecuta.

Si a dicidi:

1. Cu durante fin di siman (diasabra y diadomingo) por parkeer gratis den vaknan geel y blanco; 2. Cu e vaknan geel mester keda na disposicion di e usuario cu ta paga pa luna, di dialuna pa diabierna di 7.00am. pa 7.00pm.

Pakico no ta dicidi cu parkeer den e vaknan blanco tambe ta gratis di 7.00pm. pa 7.00am. Of nan ta gratis caba den e oranan ey?

Ponendo, si ta necesario, un sticker riba tur mashin di parkeer indicando e oranan cu nan ta gratis ta facilita tur hende.

E mantencion y ehecucion di e reglamento general cu parkeer den tur vak ta gratis di 7.00pm. pa 7.00am ta facil pa tur hende sa y corda.

Den cuadro pa mehora posicion financiero di Aruparking, gobierno/minister di husticia lo por dicidi di encarga e empleadonan di Aruparking



(pagando Aruparking for di presupuesto di Husticia pa e trabou aki) cu control riba parkeo y eventual riba mas reglamentonan di trafico, no

solamente den e espacio actual di Aruparking, pero rond Aruba.

Asina empleadonan di polis por dedica nan mes mas riba



trabonan mas specialisa di polis y asina tambe por cubri e escasez na polis diploma

cu aparentemente ta existi pa hopi tempo caba. "Pa pensa riba sin miedo"